

**KERATAN AKHBAR-AKHBAR TEMPATAN  
TARIKH: 6 JANUARI 2016 (RABU)**

<b>Bil</b>	<b>Tajuk</b>	<b>Akhbar</b>
1	Dr. Amirudin Abdul Wahab	Harian Metro
2	Profesional keselamatan siber dijangka bertambah 200 setahun	Harian Metro
3	Profesional keselamatan siber bertambah	Berita Harian
4	Cybersecurity aims for 200 experts a year	The Malay Mail
5	Cybersecurity Malaysia eyes up to 200 cyber security professionals per annum	Bernamea.com
6	Gelombang kedua, ketiga banjir di Sarawak diramal tidak serius	Utusan Malaysia
7	Govt to study Sarawak's flood mitigation	The Star
8	Ahmad Zahid: Emulate Sarawak flood mitigation measures	The Malay Mail

**KERATAN AKHBAR**  
**HARIAN METRO (BISNES) : MUKA SURAT 40**  
**TARIKH: 06 JANUARI 2016 (RABU)**

**Dr Amirudin  
Abdul Wahab**

Ketua Pegawai Eksekutif  
Cybersecurity Malaysia

Setakat Disember  
lalu, kita mempunyai  
kira-kira 5,190 tenaga  
profesional keselamatan  
siber di Malaysia  
dan memerlukan  
lebih ramai lagi”



**Seri Kembangan:** Cybersecurity Malaysia menjangka bilangan profesional keselamatan siber bertambah sehingga 200 setahun berikutan peningkatan jumlah program berkaitan bidang itu.

Ketua Pegawai Eksekutifnya, Dr Amirudin Abdul Wahab berkata, ini menyumbang kepada sasaran kebangsaan sebanyak 10,000 tenaga profesional menjelang 2020 bagi menampung keperluan sektor keselamatan siber yang berkembang pesat.

## Profesional keselamatan siber dijangka bertambah 200 setahun

“Lepasan bidang sains komputer tidak memiliki kemahiran untuk melindungi serta mempertahankan infrastruktur teknologi komunikasi dan maklumat kerana aspek keselamatan siber adalah satu kemahiran khusus dan memerlukan latihan khas.

“Setakat Disember lalu, kita mempunyai 5,190 tenaga profesional keselama-

tan siber di Malaysia dan memerlukan lebih ramai lagi,” katanya pada sidang media selepas memeterai memorandum perjanjian dengan Putra Inteltek International College (PIIC), di sini, semalam.

Menerusinya, Cybersecurity Malaysia melantik PIIC sebagai ejen pemasaran program latihan keselamatan maklumat miliknya.



DR Amirudin

Presiden merangkap Ketua Pegawai Eksekutif PIIC, Dr Barathan Muniyandy menyifatkan kerjasama itu bertepatan pada masanya berikutan peningkatan jenayah berkaitan keselamatan siber di peringkat global.

“Rantau Asia yang mencatat perkembangan ekonomi yang pesat turut menjadi sasaran ancaman itu,” katanya.

KERATAN AKHBAR  
BERITA HARIAN (BISNES) : MUKA SURAT B5  
TARIKH : 6 JANUARI 2016 (RABU)

## Profesional keselamatan siber bertambah

**Cybersecurity Malaysia** menjangkakan bilangan profesional keselamatan siber akan bertambah antara 100 hingga 200 orang setahun berikutan peningkatan jumlah program berkaitan bidang itu.

Ketua Pegawai Eksekutifnya, Dr Amirudin Abdul Wahab, berkata ini akan menyumbang kepada sasaran kebangsaan sebanyak 10,000 tenaga profesional menjelang 2020 bagi menampung keperluan sektor keselamatan siber yang berkembang pesat.



### Latihan khas

Katanya, lepasan bidang sains komputer tidak memiliki kemahiran untuk melindungi serta mempertahankan infrastruktur teknologi komunikasi dan maklumat (ICT) kerana aspek keselamatan siber adalah satu kemahiran khusus dan memerlukan latihan khas.

"Setakat Disember lalu, kita mempunyai kira-kira 5,190 tenaga profesional keselamatan siber di Malaysia dan memerlukan lebih ramai lagi," katanya pada sidang media selepas memeterai memorandum perjanjian dengan Putra Intelek International College (PIIC), di Seri Kembangan, Selangor, semalam.

Di bawah perjanjian itu, Cybersecurity Malaysia melantik PIIC sebagai ejen pemasaran program Latihan Keselamatan Maklumat miliknya.

### Sasaran ancaman

Sementara itu, Presiden merangkap Ketua Pegawai Eksekutif PIIC, Dr Barathan Muniyandy, menyifatkan kerjasama itu bertepatan pada masanya berikutan peningkatan jenayah berkaitan keselamatan siber di peringkat global.

Beliau berkata, rantau Asia yang mencatat perkembangan ekonomi yang pesat turut menjadi sasaran ancaman itu.

"Justeru, kami berharap dapat memanfaatkan perkongsian ini bagi menambah pengetahuan serta kemahiran penuntut kolej ini bagi menangani isu keselamatan siber," katanya.

Pendaftaran program Latihan Keselamatan Maklumat yang bermula bulan depan, akan dibuka mulai 18 Januari ini.

“

Setakat  
Disember  
2015,

**kita ada  
kira-kira  
5,190 tenaga  
profesional  
keselamatan  
siber  
di Malaysia  
dan perlukan  
lebih ramai  
lagi”**

**Amirudin  
Abdul Wahab,  
Ketua Pegawai  
Eksekutif  
Cybersecurity  
Malaysia**

